



Broj: 01-02-1-205/18
Sarajevo, 7. 2. 2018.

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-02-2018

Organizaciona jedinica	Klasifikaciona oznaka	Redni broj	Broj priloga
01-	02-1-	205/18	

Predmet: Prijedlog zakona o izmjeni Zakona o plaćama i naknadama u institucijama Bosne i Hercegovine, dostavlja se

Sukladno Odluci Kolegija Zastupničkog doma Parlamentarne skupštine Bosne i Hercegovine s 32.sjednice, održane 14. lipnja 2016., u privitku Vam dostavljam Prijedlog zakona o izmjeni Zakona o plaćama i naknadama u institucijama Bosne i Hercegovine, predlagatelj: zastupnica Borjana Krišto, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,

Prilog:

- Prijedlog zakona

Dostaviti:

- naslovu
- a/a



Prijedlog

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine na __. sjednici Predstavničkog doma, održanoj __. __. 2017. godine, i na __. sjednici Doma naroda, održanoj __. __. 2017. godine, usvojila je

**ZAKON
O IZMJENI ZAKONA O PLAĆAMA I NAKNADAMA U INSTITUCIJAMA
BOSNE I HERCEGOVINE**

Član 1.

U Zakonu o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16 i 72/17) u članu 14. (Platni razredi i koeficijenti za profesionalna vojna lica) u koloni: “Koeficijent“ dosadašnji koeficijenti od 1 do 8 platnog razreda mijenjaju se i glase:

„Član 14.

Platni razred	Čin	Koeficijent
1	Vojnik	1,20
2	Vojnik I. klase	1,25
3	Kaplar	1,30
4	Vodnik	1,35
5	Stariji vodnik	1,40
6	Stariji vodnik I. klase	1,46
7	Zastavnik	1,49
8	Zastavnik I. klase	1,60

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

Predsjedavajuća Predstavničkog doma
Parlamentarne skupštine BiH

Predsjedavajući Doma naroda
Parlamentarne skupštine BiH

O b r a z l o ž e n j e

I. USTAVNI OSNOV ZA USVAJANJE ZAKONA

Ustavni osnov za donošenje Zakona o izmjeni Zakona o plaćama i naknadama u institucijama Bosne i Hercegovine sadržan je u odredbama člana IV.4.a) Ustava BiH, prema kojem je Parlamentarna skupština BiH nadležna za donošenje zakona potrebnih za provođenje odluka Predsjedništva ili za izvršenje funkcija Parlamentarne skupštine Bosne i Hercegovine prema ovom Ustavu“.

II. RAZLOZI ZA DONOŠENJE ZAKONA

Predloženim izmjenama Zakona o profesionalnim vojnim licima iz Oružanih snaga BiH u kategoriji vojnika i podoficira, koji imaju najniži koeficijent za obračun plaće i koji u ukupnoj vojnoj strukturi profesionalnih vojnih lica u Oružanim snagama BiH čine 80 % ljudstva, poboljšao bi se materijalni status, te bi se zaustavili negativni trendovi da navedene kategorije napuštaju Oružane snage BiH.

Razmatrajući odnos profesionalnih vojnih lica prema ostalim kategorijama koje su obuhvaćene Zakonom o plaćama i naknadama u institucijama Bosne i Hercegovine, utvrđen je značajan nerazmjer u visini koeficijenata za obračun plaće ostalih zaposlenih u institucijama Bosne i Hercegovine u odnosu na profesionalna vojna lica.

Raspon kretanja koeficijenata profesionalnih vojnih lica prema važećem zakonu je od početnog koeficijenta 1,12 za čin vojnika do koeficijenta 2,96 za najviši oficirski čin brigadira. Za policijske službenike taj raspon, prema posljednjim izmjenama Zakona o plaćama i naknadama, jest od 1,29 za čin policajca do 3,55 za čin glavnog inspektora.

Za državne službenike od mjesta stručni saradnik, koji ima koeficijent od 2,10 do 2,37 (rang potporučnika kao početni oficirski čin ima koeficijent 1,90), do mjesta šefa odjela koji ima koeficijent u rasponu od 3,25 do 4,25 (rang brigadira koji ima 2,96). Osim navedenog, za državne službenike predviđen je raspon kretanja koeficijenata unutar platnih razreda, dok za profesionalna vojna lica to nije predviđeno.

Uzimajući u obzir da su navedena lica u policiji i državnoj službi u istom rang u vojnicima, podoficirima i oficirima, te da obavljaju iste ili slične poslove, u postojećem zakonu očit je disparitet u koeficijentima vojnika u odnosu na policajce i državne službenike, a na štetu profesionalnih vojnih lica.

Ovakvo stanje s materijalnim statusom profesionalnih vojnih lica koje nije riješeno na odgovarajući način, među kojima je kategorija vojnika i podoficira najugroženija, uzrokovalo je da veliki broj vojnika napušta Oružane snage BiH, što je Zajednička komisija za odbranu i sigurnost BiH konstatirala na Godišnjoj preglednoj konferenciji o temi: „Aktuelno stanje u

sektoru odbrane i sigurnosti u Bosni i Hercegovini“, koja je održana 23. i 24. 11. 2016., kao i u informacijama parlamentarnog vojnog povjerenika sastavljenim nakon posjeta lokacijama i jedinicama Oružanih snaga BiH, sa zaključcima da rješavanje navedenih pitanja treba uzimati kao visokoprioritetno.

Smatramo da je potrebno razmatrati pitanje poboljšanja materijalnog statusa vojnika i podoficira u Oružanim snagama BiH u kontekstu ukupnog stanja plaća u Bosni i Hercegovini, prema kojem su plaće navedenih kategorija ispod prosjeka zaposlenih u institucijama Bosne i Hercegovine te općeg prosjeka u Bosni i Hercegovini, što djeluje destimulirajuće i na trenutno zaposlene i na kandidate za prijem u Oružane snage BiH i uzrokuje sadašnje poteškoće.

Predloženom izmjenom Zakona o plaćama i naknadama u institucijama BiH, kojom se određuju novi koeficijenti za vojnike i podoficire, djelimično bi se poboljšao materijalni status najugroženijih kategorija u Oružanim snagama BiH, zbog čega predlažemo da bude podržana i dostavljena u proceduru usvajanja.

III. PRINCIPI NA KOJIMA JE PRIJEDLOG ZAKONA ZASNOVAN

Prijedlog zakona zasniva se na principima ustavnosti, zakonitosti, ravnopravnosti i apsolutne nediskriminacije.

IV. FINANSIJSKA SREDSTAVA POTREBNA ZA PROVOĐENJE ZAKONA

Za provođenje ovog zakona potrebna su dodatna finansijska sredstva.
Finansijski učinci predložene izmjene zakona:

Formacij- ski čin	SADAŠNJI KOEFICIJENTI				PRIJEDLOG NOVIH KOEFICIJENATA				Mjesečna razlika	
	Koeficije- nt za obračun plaće	Iznos osnov- ne plaće	Prosje- čna neto plaća	Prosje- čna bruto plaća	Koefici- jent za obračun	Oсно- vna plaća	Neto plaća	Bruto plaća	Neto	Bruto
Vojnik	1,12	532,77	665,96	1099,65	1,20	570,83	713,54	1178,21	47,58	78,56
Vojnik I. klase	1,15	547,04	694,74	1147,17	1,25	594,61	755,15	1246,93	60,41	99,76
Kaplar	1,19	566,07	718,91	1187,08	1,30	618,40	785,37	1296,82	66,46	109,74
Vodnik	1,23	585,10	778,18	1284,96	1,35	642,18	854,10	1410,31	75,92	125,36
Stariji vodnik	1,29	613,64	816,14	1347,63	1,40	665,97	885,74	1462,56	69,60	114,92
Stariji vodnik	1,35	642,18	854,10	1410,31	1,46	694,51	923,70	1525,23	69,60	114,92

I. klase										
Zastavnik	1,37	651,70	866,76	1431,2 2	1,49	708,7 8	942,68	1556,5 7	75,92	125,36
Zastavnik I. klase	1,52	723,05	961,66	1587,9 1	1,60	761,1 0	1012,2 6	1671,4 7	50,61	85,36

Navedeno uvećanje koeficijenata za vojnike i dočasnike obuhvatilo bi **7.126** djelatnih vojnih osoba u kategoriji vojnika i dočasnika, što bi u financijskom smislu uzrokovalo porast troškova po osnovi plaća u iznosu od približno **9.327.186,00 KM** bruto na godišnjoj razini.

PREGLED ODREDBE ZAKONA O PLAĆAMA KOJA SE MIJENJA

Član 14.

(Platni razredi i koeficijenti za profesionalna vojna lica)

Platni razred	Čin	Koeficijent
1	Vojnik	1,12
2	Vojnik I. klase	1,15
3	Kaplar	1,19
4	Vodnik	1,23
5	Stariji vodnik	1,29
6	Stariji vodnik I. klase	1,35
7	Zastavnik	1,37
8	Zastavnik I. klase	1,52
9	Potporučnik	1,90
10	Poručnik	2,00
11	Kapetan	2,10
12	Major	2,25
13	Pukovnik	2,47
14	Brigadir	2,96

